

# THE EPISTLE OF PAUL THE APOSTLE TO THE GALATIANS

**1** <sup>1</sup>Shí Paul, des'a'í nshíj, (doo nnee shides'a'go da, doo nnee bik'ehgo da, áídá' Jesus Christ la'í Bik'ehgo'ihí'nań nohwiTaa zhá bik'ehgo, án Jesus daztsaqd' naadiidzaago áyílaahi;) <sup>2</sup>Shí hik'e odlá' bee shik'isyú bíł nashkaihí dawa, Galátiagee ínashood ha'ánátséh nagozníł bich'í k'eda'iilchii: <sup>3</sup>Bik'ehgo'ihí'nań nohwiTaa hik'e Jesus Christ nohweBik'ehń bíłgoch'oba'í la'í bits'á'dí ilch'í'gont'ééhí bee nohwich'í' goz'aa le', <sup>4</sup>Bik'ehgo'ihí'nań nohwiTaa bik'ehgo nohwinch'ó'hí bighá Jesus n'ídelłj, díł nch'ogo nagowaahí yits'á' nohwiníł doleełgo: <sup>5</sup>Kod' hik'e dahazh'í Bik'ehgo'ihí'nań dážh'ó ba'ihégojí le'. Doleełgo at'éé. <sup>6</sup>Nohwiká ánniidgo Christ bíłgoch'oba'í biyi' onohwiníł n'í dagoshch'í' bits'á'zh'í' ádaasohdzaahí, la'í yati' baa gozhóni łahgo at'éhi bich'í'go daahosohkaihí baa shíł díyagot'éé: <sup>7</sup>Díł ba'ashhahyú yati' baa gozhóni doo la' nanást'áq da; áídá' nnee la' nohwił nadaagokigo ádaanohwile'hi la'í Christ nłt'éégo baa na'gon'í'í łahgo ádaile'go hádaat'í. <sup>8</sup>Áídá' néé dagohíł yaaká'dí nal'a'a ndi yati' baa gozhóni baa nohwił nadaagosilni'í łahgo at'éégo nohwił nagolni'yúgo, án góyéégo bángodot'aał. <sup>9</sup>Da'ádaade'niid n'í k'ehgo gánádish'niih, Nnee la' yati' baa gozhóni nádaagodo'aał n'í łahgo at'éégo yaa nohwił nagolni'yúgo, án góyéégo bángodot'aał. <sup>10</sup>Ágádish'niigo ya' nnee bíł daansh'q hileeh néé, néé Bik'ehgo'ihí'nań zhá bíł nsh'q hishłeeh néé? Ya' nnee bíł daagoyilsh'ógo hasht'íł gá? Dah, t'ah nnee bíł daagoyilsh'ógo hasht'ílyúgo doo Christ bá na'isiidgo at'éé da. <sup>11</sup>Áídá' shik'íyú, yati' baa gozhóni baa nagoshni'í doo nnee bik'ehgo alzáhi at'éé dahíł bídaagon'łs'ihgo hasht'íł. <sup>12</sup>Doo nnee bits'á'dí nádiine'í at'éé da, doo shíł ch'et'áq da, áídá' Jesus Christ shíł ch'í'nah áyílaahihi bee bígos'łs'ijid. <sup>13</sup>Jews daanlíni bi'okáahíł bik'ísk'eh ánsht'ee n'í ba'íkodaanołs'j, Bik'ehgo'ihí'nań daayokáahíł ha'ánátséhíł nyeeego biniidaagonłt'éégo shinagha nakai ni', da'íłíł hishchiigo ch'éh át'íł: <sup>14</sup>Jews daanlíni bi'okáah bik'ísk'eh ánsht'eedá' dashíł bíł hat'í'ihíł bíł dáledaahonsdzaahi bitisgo gonsáq ni', bits'á'dí hadaatinel't'áni bi'at'e' bik'ísk'eh

ánsht'eego dázhq' hásh't'íí ni'. <sup>15</sup>Áídá' doo hwahá goshlee dadá' Bik'ehgo'ihí'nań hashíft'íí, ła'íí shaa ch'oba'íí bee shiká ánniidá', <sup>16</sup>Bi'Ye' shíł ch'í'ńah áyíłaa, nńee doo Jews daanłiđ dahíí bitahyú baa nagoshńi' doleełhíí bighą shiká ánniid; áídí' doo hadín dagoshch'í' baa bił nagoshńi' da ni': <sup>17</sup>Ła'íí Jerúsalemyú dashínt'ségo Jesus binadaal'a'áhíí doo bich'í' oyáá da; áídá' Arabiayú oyáá ni', áídí' Damáscusyú nánsdzaa. <sup>18</sup>Áídí' taadn łegodzaago Jerúsalemyú Peter bich'í' oyáá, ákú ashdla'adah bił sheiskąą. <sup>19</sup>Jesus binadaal'a'á ła'ihíí dała'á zhą hish'íí ni', nohweBik'ehń bik'isn, James holzéhi. <sup>20</sup>Bik'ehgo'ihí'nań shá yígółsı, doo k'é'ishchoo dago díí bee nohwich'í' k'e'eshchiihíí. <sup>21</sup>Áí bikédí'go ni' Sýria ła'íí Cilicia daagolzeeyú níyáá; <sup>22</sup>Judéagee ha'ánázéh nagoznili Christ daayokąhíí doo hwahá daashítséh dadá': <sup>23</sup>Díí zhą shaa ch'iniigo daidezts'ąą, Áń nohwiniidaagodeláa n'íí, odla' da'ílíí yłchíıgo ch'éh át'íí n'íí, da'án k'adíí da'ái odla' n'íí yaa yánáltih łaą, ch'ini. <sup>24</sup>Áík'ehgo shíí shighą Bik'ehgo'ihí'nań ya'ihédaanzı lék'e.

**2** <sup>1</sup>Áídí' díí'ts'adah łegodzaago Jerúsalemyú Bárnabas ła'íí Titus bił onanášhkaı. <sup>2</sup>Jerúsalemyú nádishdáh doleełhí shíł ch'í'ńah alzaago onásdzaa, doo Jews daanłiđ dahíí bitahyú yati' baa gozhóni baa yánáshtihíí ákú baa nadaagosisńi', nńee nłt'éégo daach'idnłsiníí zhą dasahńdi baa bił nadaagosisńi', doo ágásdzaa dayúgo dánko da'ílłızhı' na'isiidhi at'éé, dánko da'ílłızhı' na'sızıid doleełhi at'éé. <sup>3</sup>Ákú Titus holzéhi bił nash'aashi, **Circumcise** ánidolne', doo hak'i daabiłnniid da, Greek nliđ ndi: <sup>4</sup>Nńee ła' nohwik'isyú ádaadil'iiníí hah ádaabidines'ıid, áí Jews bich'í' begoz'aaníí bee isnáh daandliđ n'íí Christ bits'ą' nohwińilhíí yıdaagot'sıhgo, isnáh ánádaanohwidle'go hah ádaanest'ıid: <sup>5</sup>Áí doo hódaayéel'ts'ąą da ni', dé't'ihézhı' ndi; yati' baa gozhóni da'anıihíí dayúweh nohwitahyú begoldoh doleełhíí bighą. <sup>6</sup>Nńee daach'idnłsiníí, (ágádaat'eesha' ndi doo shíł hago'at'éé da: Bik'ehgo'ihí'nań nńee dawa dáłekt'eego yaa natsekees;) áí nńee nłt'éégo baa ch'iniihíí díí baa yashti'íí doo hak'i ła' baa dahnágóst'ąą golzeego shíł nagolńi' da: <sup>7</sup>Ndihíí Peter, nńee circumcise ádaabi'deszaahíí bich'í' yati' baa gozhóni yaa yánáltihgo baa det'ąhíí k'ehgo shíí, nńee doo circumcise ádaabi'deszaa dahíí bich'í' yati' baa gozhóni baa yánáshtihgo shaa det'ąago yıdaagosıid; <sup>8</sup>(Bik'ehgo'ihí'nań, Peter nńee circumcise ádaabi'deszaahíí bich'í' yides'a'dá' binkááyú na'iziidíí, da'án shíí áłdó' shinkááyú na'iziid, doo Jews daanłiđ dahíí bich'í' yánáshtihgo;) <sup>9</sup>Áík'ehgo James, **Céphas**, ła'íí John, nłdzilgo bi'okąh yee ínashood yitł'ááh naziiníí k'ehgo baa natsı'gokeesíí, Bik'ehgo'ihí'nań biłgoch'oba'íí shaa det'ąhíí yıdaagosıidá', bił dała' daasiidliđgo Barnabas hik'e shíí hıł lák'edaadelniigo gádaanohwiłńii, Nohwíí doo Jews daanłiđ dahíí bich'í' noh'aash, néé circumcise ádaabi'deszaahíí bich'í' dekai. <sup>10</sup>Díí zhą gánádaanohwidko'niid, Tédaat'iyéhíí bínádaałniih; áí shijíí dawa bee biká hásh't'íí ni'. <sup>11</sup>Áídí' Peter Ántiochyú nyaadá' doo bik'ehyú adzaa dahíí bighą dábiniihı' áłdéniiid ni'. <sup>12</sup>James odais'a'íí t'ah doo hikáh dadá', Peter doo Jews daanłiđ dahíí yıł da'iyąą: áídá' áí nńeehíí hikaidá'

t'aazhí' áinzigo its'á'ideltíi, circumcise zhinéégo daanliiníi yénáldzidhíi bigha. <sup>13</sup>Áídí' Jews daanlíni ła'ihíi Peter adzaahíi bigha bíi ádó' t'aazhí' ádaasdaa lék'e, Barnabas ndi itah ágát'éé silíi. <sup>14</sup>Ái nneehíi yati' baa gozhóni biyi'dí' da'aníihíi doo bikísk'eh ádaat'ee dahíi bígosíisjída' dawa bińáál Peter gáldéniid, Ni, Jew nííi ndi doo Jews daanlii dahíi ádaat'eehíi k'ehgo ánt'ééyúgo, doo Jews k'ehgo da, hant'é bigha doo Jews daanlii dahíi dabíni'aayú Jews ádaat'eehíi k'ehgo ádaanoht'eego nlt'éé, daabiłnii ląá? <sup>15</sup>Doo Jews daanlii dahíi doo bik'ehyú ádaat'ee da, áídá' née, Jews daandliigo daagosiidliiníi, doo ái k'ehgo ádaant'ee da. <sup>16</sup>Díi bídaagonlzi, doo Jews bich'i' begoz'aaníi bikísk'eh ánách'ot'ijłhíi bigha Bik'ehgo'ihí'nań binadzahgee dábił'ehyú ách'ít'éé da, áídá' Jesus Christ ch'odłahíi zhá bigha: áik'ehgo danéé ndi Jesus Christ daahosiidład, Christ daahohidłahíi bigha Bik'ehgo'ihí'nań dábił'ehyú ádaat'ehi daanołwiłnii doleełgo, doo begoz'aaníi bikísk'eh ánadaahiit'ijłhíi bigha da: nnee doo ła' begoz'aaníi yikísk'eh ánát'ijłhíi bigha Bik'ehgo'ihí'nań binadzahgee dábił'ehyú át'éé da. <sup>17</sup>Áídá' Christ biláhyú nlt'éégo ádaat'ee daanołwił'idi'nii hádaahiit'jída', née Bik'ehgo'ihí'nań yegos'aaníi doo bikísk'eh ádaant'ee dago nołwiłgozjidyúgo, ya' ái bigha Christ nch'ó'íi bich'i' nołwelnaá née? Dah, da'anii doo ágát'éé da. <sup>18</sup>Dant'éhéta yó'odii'aqago baa yashti' n'íi nlt'éégo baa yánashtih lék'eyúgo, shíi nnee iłsihi nshłigo shígózi. <sup>19</sup>Jews bich'i' begoz'aaníi doo bikísk'eh ánansht'ee dahíi bigha begoz'aaníi bich'i' dasitsáá, áik'ehgo Bik'ehgo'ihí'nań zhá bich'i' hinshnaa. <sup>20</sup>Ts'i'łna'áhi biká' Christ bił dasitsáá, ndi hinshnaa; áídá' doo shíi hinshnaa da, Christ shiyi' golłigo án bee hinshnaa: k'adíi shits'íi bee nashaahíi Bik'ehgo'ihí'nań biYe' hoshdłaqago bee nashaa, án bił nshoqogo bi'ihí'na' shá nyiné'go shá daztsáá. <sup>21</sup>Bik'ehgo'ihí'nań biłgoch'oba'íi bee Christ nołwainłtíniíi doo da'łłi hósh'ńíi da: Jews bich'i' begoz'aaníi bee nnee dábił'ehyú ádaat'ee daasilijyúgo, Christ daztsáahíishá' doo ılıi da hileeh.

**3** <sup>1</sup>Galatiagee daagonohłni, doo daagonohsáá dahíi, hadín ląá k'izénołwideznilgo da'aniiigo ágót'eehíi doo bikísk'eh ádaanoht'ee da daasolij? Nohwíi nołwinadzahgee Jesus Christ ts'i'łna'áhi biheskał n'íi, ya' yati' bee doo nołwił ch'i'nah alzaa da lán gá? <sup>2</sup>Díi zhá nanohwídaadishkid, Ya' Jews bich'i' begoz'aaníi bikísk'eh ádaanoht'eehíi bigha Holy Spirit nołwaa daadest'aq née, née yati' baa gozhóni daadohts'ago daahohdłahíi bigha née? <sup>3</sup>Nt'é bigha áik'ehgo doo daagonohsáá da? Ya' Holy Spirit bee ínashood daasolij, n'íi k'adíi dánohwíi ánadaaht'ijłhíi bee hadaanołwiłdeszaa née? <sup>4</sup>Ya' da'ılıi'zh'i' ląágo goyéégo nołwich'i' nagoyaa lán gá? Da lán shi go'íi. <sup>5</sup>Bik'ehgo'ihí'nań Holy Spirit nołwaa daizné'íi, ła'íi nołwitahyú godiyihgo ánát'ijłhíi, ya' Jews bich'i' begoz'aaníi bikísk'eh ádaanoht'eehíi bigha ánát'ijłhíi, née, née yati' baa gozhóni daadohts'ago daahohdłahíi bigha ánát'ijłhíi née? <sup>6</sup>Da'anii nołwi'odłahíi bigha. Ágát'éégo Abraham Bik'ehgo'ihí'nań yosdład, áik'ehgo bi'odłahíi bigha dábił'ehyú át'éégo bá hótág lék'e. <sup>7</sup>Ái bigha díi bídaagonłsi le', nnee bi'odłá' daagolíníi ái da'anii Abraham bichagháshé daanlii. <sup>8</sup>Doo Jews daanlii dahíi

Christ daayodlaq̄híí bigha binchó'íí yits'á'zhí' Bik'ehgo'ihí'nań ch'ínádaabidoniíí dabíntséda' Bik'ehgo'ihí'nań biyati' bek'e'eshchiinií ch'í'nah alzaa, áí dabíntséda' yati' baa gozhóni Abraham bich'í' yá'iti' gáníígo, Nnee iltah at'éego hadaazt'í'íi dawa ni ninkááyú biyaa gozhóq̄ doleeł, nii. <sup>9</sup>Áík'ehgo nnee Christ daayodlaq̄híí hik'e Abraham, Bik'ehgo'ihí'nań yodlaq̄híí, bílgo biyaa daagozhóni at'éé. <sup>10</sup>Áída' Jews bich'í' begoz'aaníí bikísk'eh ádaant'eeýúgo zhá dábík'eh daanzini dawa bíł ch'í'ndaagosdini ádaat'ee: gáníígo bek'e'eshchíí, Nnee daantíígee begoz'aaníí naltsoos besi'aaníí doo yikísk'eh ádaat'ee dahíí, la'íí doo ye'ánát'ííł dahíí bíł ch'í'godíni at'éé. <sup>11</sup>Bik'ehgo'ihí'nań binadzahgee nnee doo la' Jews bich'í' begoz'aaníí yikísk'eh at'ééhíí zhá bigha dábík'ehyú at'ééhíí nlt'éego bígózi, bek'e'eshchiinií gánííhíí bigha, Hadín dábík'ehyú at'ééhíí odla' zhá yee hínaa doleeł. <sup>12</sup>Jews bich'í' begoz'aaníí, da'ohdlaq̄yúgo zhá hasdahkáh, doo nohwińni da, áída' gánohwińni, Begoz'aaníí áńííhíí bikísk'eh ádaanoht'eeýúgo dahazhí' daahohnaa doleeł. <sup>13</sup>Jews bich'í' begoz'aaníí bee bíł ch'í'godíni bits'á'zhí' Christ bidííí yee nadaanoht'eesnií, dabíí nohwá bíł ch'í'godííhíí silíí, gáníígo bek'e'eshchííhíí bigha, Hadín ts'í'na'áhi biká'dí' nahitííhíí bíł ch'í'godíni at'éé, nii: <sup>14</sup>Bik'ehgo'ihí'nań Abraham yá hadzii n'íí Jesus Christ biláhyú doo Jews daanlií dahíí addó' daabiyéé doleełhíí bigha adzaa; la'íí nées Jews daandliinií, doo Jews daanlií dahíí bílgo nohwi'odla' binkááyú Holy Spirit, nohwa'det'aa n'íí, daanoht'eeé doleeł. <sup>15</sup>Shik'íyú, nnee ánádaat'ííhíí baa nohwił nagoshní'go nohwił ch'í'nah ashle'; nnee la' bíyééhíí la' yaa yidin'áq̄go naltsoos bee niktsoozíí doo hadín yiká' nnánótíí at'éé da, dagohíí yínágodó'aah at'éé da. <sup>16</sup>Abraham la'íí bits'á'dí' hadaaliłchíhíí ba'det'aaníí bee bich'í' ha'odzii. Hadaaliłchíhíí ląágo doo nii da, áída' dałá'á zhá ba'det'aa, nii, áí Christ. <sup>17</sup>Díínko áldishnií, Bik'ehgo'ihí'nań hik'e Abraham bílgo la'det'aaníí Christ biláhyú Bik'ehgo'ihí'nań nłdzilgo áyíílaa, áíd' dííí gonenadiníí biká'yú tadin łegodzaa bikédí'go Bik'ehgo'ihí'nań Abraham bits'á'dí' hadaaliłchíhíí yágon'áq̄ lėk'e; ndi áí yágon'áaníí Bik'ehgo'ihí'nań hik'e Abraham bílgo la'det'aa n'íí doo yiká' nnánótíí at'ee da, áí Abraham ba'det'aaníí bee bich'í' ha'odzii n'íí doo da'ííí yólchíí at'éé da. <sup>18</sup>Abraham bits'á'dí' hadaaliłchíhíí yágon'áaníí bikísk'eh ách'ít'éego hasdách'igháhyúgo, Abraham ba'det'aaníí doo bits'á'dí' da, áída' Bik'ehgo'ihí'nań Abraham ya'den'áq̄ n'íí zhá bee hasdách'igháh, áí Christ bee hasdách'igháh golzeego ágolzee. <sup>19</sup>Áík'ehgo begoz'aaníí nt'é bigha alzaa? Nnee doo bik'ehyú ánádaat'ííł dahíí áí yee yídaagołsıh doleełhíí bigha, Abraham bits'á'dí' hadaaliłchíhíí dałá'á zháhíí ba'det'aaníí hígháh doleełzhí', Bik'ehgo'ihí'nań yegos'aaníí Abraham hat'í'íí déł'íhézhi' yit'ááh nakai doleełgo yágon'áq̄; Bik'ehgo'ihí'nań binadaal'a'á yaaká'dí'hi begoz'aaníí yee nohwaa ndaagoz'aa, la'íí nnee hik'e Bik'ehgo'ihí'nań bigizhgee sizini binkááyú nohwaa daizné. <sup>20</sup>Igizhgee siziinií doo dałá'á yigizhgee sizii da, nakiyúgo zhá yigizhgee sizii, ndi Bik'ehgo'ihí'nań Abraham dasahńdi yich'í' hadzii. <sup>21</sup>Áík'ehgo Bik'ehgo'ihí'nań yegos'aaníí ya' Abraham bits'á'dí' hadaaliłchíhíí ba'det'aa n'íí yókáal' nées? Dah, da'anii doo ágát'éé da: begoz'aaníí be'ihí'naago nohwainé' lėk'eyúgo, áí begoz'aaníí bikísk'eh ádaant'eeýúgo

dábik'ehyú ádaant'ee doleel ni'. <sup>22</sup>Áídá' Bik'ehgo'ihí'naán biyati' bek'e'eshchiiní gáníí, Nnee dawa ncho'go ágot'eehíí ha'ábisníl, nii, áík'ehgo Jesus Christ daayodlaqahyúgo zhá Bik'ehgo'ihí'naán ch'ídaabidoníígo ba'det'aa n'íí begolne'. <sup>23</sup>Áídá' Christ daahohiidlaqago hasdáhiikáhíí t'ah doo nohwá ch'í'ótáá hileeh dadá', begoz'aaníí nohwelik'ehgo ádaant'ee ni', odla'íí nohwá ch'í'ótáá silijzhi'. <sup>24</sup>Begoz'aaníí lah nohwíł ch'í'gó'aahíí nlii ni', Christ bich'í' nnohwiníł doleelgo, án daahohiidlaqahíí bigha Bik'ehgo'ihí'naán ch'ínádaanohtwiníł doleelgo. <sup>25</sup>K'adíí odla' nohwá ch'í'ótáá silijgo ilch'í'gó'aahíí doo dayúweh nohwelik'eh da. <sup>26</sup>Christ Jesus daahohidlaqahíí bigha daanohtwigha Bik'ehgo'ihí'naán bichagháshé daanohtíi. <sup>27</sup>Nohwíí baptize ánohtwí'deszaahíí bee Christ bíł da'á daasolijyúgo, diyagé ádaagoch'idle'híí k'ehgo Christ ádaagosohdlaa. <sup>28</sup>Jew nlii dagohíí Greek nlii doo daadohtíi da, isnáh nlii dagohíí doo isnáh nlii da, nnee nlii dagohíí isdzán nlii doo daadohtíi da; daanohtwigha Christ Jesus bíł da'á daanohtíi. <sup>29</sup>Christ bíyéé daanohtijyúgo, Abraham bits'á'dí' hañinol't'aaníí daanohtíi, Bik'ehgo'ihí'naán Abraham ya'den'áá n'íí nohwich'í' begolzaa.

**4** <sup>1</sup>Díínko áldishnii, chagháshé la' bitaa bíyééhíí bíyéé doleel ndi t'ah doo nnyééhdá' isnáh nliihíí k'ehgo at'éé, bitaa bíyééhíí dawa yebik'eh doleel ndi; <sup>2</sup>Áídá' bíłch'í'gó'aahíí la'íí bíyéé doleelíí yebik'ehíí binádeéz'íi, hagee bitaa yee bángon'áázhí'. <sup>3</sup>Da'ágát'éégo née chagháshé k'ehgo daandliídá', díí ni'gosdzán biká' ágot'eehíí zhinéégo dantsé ilch'í'gót'aahíí isnáh ádaanohtwíłsı ni': <sup>4</sup>Áídá' dábik'eh ngonyáágo, Bik'ehgo'ihí'naán biYe' yides'a' lék'e, án isdzán bishchíí, Jews bich'í' begoz'aaníí bitł'ááhzhí' gozlii, <sup>5</sup>Nnee áí begoz'aaníí isnáh ádaabíłsiníí bidííí bee nanáyihilniigo ch'ínáyiníł doleelgo gozlii, née Bik'ehgo'ihí'naán bichagháshé daandlii doleelgo. <sup>6</sup>Bik'ehgo'ihí'naán bichagháshé daanohtíihíí bigha, biYe' biSpirit nohwííí yune' yides'a', Abba, shiTaa, niigo. <sup>7</sup>Áí bigha doo dayúweh isnáh níłí da, ndi Bik'ehgo'ihí'naán bizhaazhé níłí; bizhaazhé níłíyúgo Bik'ehgo'ihí'naán bíyééhíí Christ bíláhyú níyéé doleel. <sup>8</sup>Bik'ehgo'ihí'naán doo hwahá bídaagonohtsıh dadá', bich'í' da'ch'okaqahíí daazhógo ádaat'éhi daahohkaqahgo bi'isna' daanohtíi ni'. <sup>9</sup>Áídá' k'adíí Bik'ehgo'ihí'naán bídaagosohtsıídá', án nohwídaagohsıídá' áldishnii, hant'é bigha dá ni'gosdzán biká' ágot'eehíí zhinéégo dantsé ilch'í'gót'aahíí t'áqzhí' bich'í' ánádaahne'? Áí doo nłdzil da, la'íí da'ílnéhi ádaat'ee, áí bi'isna' daanohtijgo hánádaaht'íi née? <sup>10</sup>Lahgee godilzigo yołkaalíí, lahgee dahnáyitíhíí, lahgee goldohíí, lahgee lenágodáhíí daadinohtsı ląá. <sup>11</sup>Da'íłíízhí' nohwitahyú na'isiid ni' nsigo ląágo natseskees. <sup>12</sup>Shik'íyú, ánsht'eehíí k'ehgo ádaanoht'ee doleelgo nádaanohtwoshkaqah; shíhíí da'ádaanoht'eehíí k'ehgo ánsht'ee: Doo hagee shich'í' ncho'go ádaahdzaa da ni'. <sup>13</sup>Dantsé yati' baa gozhóni bee nohwich'í' yashti'dá' shits'í baa dahgoz'aqago nohwaa niyáágo bídaagonohtsı. <sup>14</sup>Shits'í baa dahgoz'aaníí bee nanohwí'dintaah ndi, doo da'ílnégo ádaasho'níí da, doo shits'á'zhí' ádaasohdzaa da; áídá' Bik'ehgo'ihí'naán binal'a'a yaaká'dí'híí

k'ehgo ndaashidołtjii, Christ Jesus ndaadotłjiihíi k'ehgo ndaashidołtjii. <sup>15</sup>Akú sídáádá' nohwił daagozhóq n'íi ya' doo bínadaałñiih da née? Dzaą nohwaa nagoshñi', bígonedząyúgo dánohwíi nohwináá hadaasohñilgo shaa daasohñil doo ni'. <sup>16</sup>Da'anii ádishñiigo nohwich'í' yashti'híi bighą ya' nohwił'edaadinshñiihgo ádishñii daanołsı née? <sup>17</sup>Ái nñeehíi, nohwił ch'ídaago'aahgo ádaadil'iiníi, nłt'éégo nohwich'í' yádaałti' ndi, doo da'anii nohwá nłt'éé da; ái bee shits'ą' nohkáhgo ánohwile'go, bíi zhin'éégo ádaanoht'ee daahłeehíi bighą ádaanołwíłñii. <sup>18</sup>Áídá' da'anii nłt'éégo ágot'eehíi bighą nñee nłt'éégo nohwich'í' yádaałti'ihíi nzhqo, dábił'ehñ, doo dashíi nohwił nashkaigee zhą da. <sup>19</sup>Shichągháshé daanołłni, isdzán iłchíigo bił nádi'nñiihíi k'ehgo nohwá shiniinágonłt'éé, Christ bi'at'e'íi beádaanoht'ee daasoljizhı', <sup>20</sup>Nohwíi nohwaa shıł nagokihíi bighą dáł'ad hadó' akú nohwił daansłjii le' nsı, áík'ehgo iłtah at'éégo bee nohwich'í' hadaaszi' doleeł ni'. <sup>21</sup>Shıł nadaagołni', nohwíi, Jews bich'ı' begoz'aaníi be'ádaanoht'ee hádaah'tiiníi, begoz'aaníi áñíihíi doo bídaagonłsı da gá? <sup>22</sup>Díi k'ehgo nko bek'e'eshchjii, Abraham biye'ke naki lėk'e, dał'a isdzán isnáh nłnihíi bizhaazhé, ł'ihíi isdzán doo isnáh nłni dahíi bizhaazhé biłgo. <sup>23</sup>Isdzán isnáh nłnihíi bizhaazhéhíi chągháshé dandaagohileehíi k'ehgo gozłjii, áídá' doo isnáh nłni dahíi bizhaazhéhíi Bik'ehgo'ihı'nañ da'áníihíi k'ehgo begolnéhgo gozłjii. <sup>24</sup>Díi da'anii ánágot'ıihii bee nohwił ch'ígót'aahi ádaat'ee: díi isdzáné nakihíi Bik'ehgo'ihı'nañ hik'e nñee łángot'ąą lėk'ehíi nakiyú ágot'éhi yá nazjii; dał'a **Agar** holzéhi, chągháshé isnáh daaleehíi nyiłchíi, áñ dził Sinai golzeegee ngot'aaníi yá sizini. <sup>25</sup>Agar holzéhi Arabia biyi' dził Sinai yá sizjii, áñ dakú ni' biká' Jerúsalemhíi yaa nagolni', áñ bichągháshé biłgo isnáh daanłnihi. <sup>26</sup>Áídá' Jerúsalem yaaká'yúhíi doo isnáh nłjii da, ái née daanołhwimaa nłjii. <sup>27</sup>Gáníigo bek'e'eshchjii, Nił gozhóq le', doo iłchíi dahíi nłni, nichągháshé da'ádinii; nił gozhóqgo nnlwosh, doo nił nádi'diniih dahíi: isdzán biką' da'ádinii n'íi isdzán biką' golni n'íi bitisgo bichągháshé łąą. <sup>28</sup>Shik'íiyú, Abraham ba'det'ąą n'íi k'ehgo Isaac gozłjii, née áłdó' da'ái k'ehgo Abraham bichągháshé daandłjii. <sup>29</sup>Áídá'go ágot'eehíi k'ehgo, chągháshé ndaagoleehíi k'ehgo bi'dizhchiiníi, Holy Spirit binawodíi bee bi'dizhchiiníi yiniigodnłsı, dáł'ad ndi da'ágágot'ee. <sup>30</sup>Áídá' Bik'ehgo'ihı'nañ biyati' hant'é níi gá? Gáníigo bek'e'eshchjii, Isdzán isnáh nłni bizhaazhé biłgo ch'ínenyóod; isnáh nłni yishchíinihíi bitaa bíyéehíi doo bíyéé hileeh da, isdzán doo isnáh nłni dahíi bizhaazhéhíi zhą bíyéé hileeh. <sup>31</sup>Áík'ehgo shik'íiyú, née isdzán isnáh nłni doo bichągháshé daandłjii da, isdzán doo isnáh nłni dahíi bichągháshé daandłjii.

**5** <sup>1</sup>Christ ch'ínánołwíłñiihíi bighą nłdzilgo nasozjii, Jews bich'ı' begoz'aaníi doo bee isnáh náhdleehgo da, doo t'ąązhı' bee ík'ínadaadołhgisgo da. <sup>2</sup>Shíi Paul gánohwiłdishñii, **Circumcise** ádaanołwı'deszaa lėk'eyúgo, nohwíi Christ doo nohwił daant'é da. <sup>3</sup>Nñee dał'a daanołtjigee circumcise

ádaanohwi'deszaahíí gádaanohwíldishnii, Jews bich'í' begoz'aaníí dážhó dawa bikísk'eh ádaanoht'eego goz'ąą, doo łahzhí' zhá da. <sup>4</sup>Nohwíí dahadıńta begoz'aaníí bikísk'eh ánsht'eehíí bighą Bik'ehgo'ihí'nań binadzahgee dávik'ehyú ánsht'ee daanohsiníí, Christ nohwich'í'yúgo doo nt'é dago ádaanolsj; Bik'ehgo'ihí'nań biłgoch'oba'íí doo hádaaht'íí dago bits'ą'zhí' ádaahdzaa. <sup>5</sup>Née Holy Spirit biláhyú daanohwi'odla' bee dávik'ehyú ádaant'ee doleeńíí nohwá łaalnéhíí ndaahóndliigo biba' ádaant'ee. <sup>6</sup>Jesus Christ bił dała'á ch'íłijyúgo, circumcise áko'deszaa dagohíí doo circumcise áko'deszaa da ndi doo hago'at'ée da; áídá' ko'odla'íí koł'ijóóníí bee ch'í'nah hileehíí zhá íłj. <sup>7</sup>Iłhách'ideskaihíí k'ehgo nłt'éeego hohkeel'ni; hadín ląą nohwíł godishkish lán, da'anii ágot'eehíí doo dayúweh bikísk'eh ádaanoht'ee da k'adíí? <sup>8</sup>Hant'é k'ihzhí' ádaanohwizlaahíí Bik'ehgo'ihí'nań nohwich'í' ánniidíí doo bits'ą'dí'gohi at'ée da. <sup>9</sup>Bán benilzoolé da'ayąhągo ik'áan nást'ódíí dahot'éhé daabindíłsołhíí k'ehgo doo nzhqo dahíí da'ayąhągo bitah dench'aadgo dawa daayíłchqoh. <sup>10</sup>NohweBik'ehń biláhyú nohwaa da'oshlíí, łahgo ilch'ígót'aahíí dá baa natseskeesíí k'ehgo nohwíí áldó' baa natsídaahkeesgo doo nádaagodoh'aah da doleeł: hadín nohwíł daagodikishíí, áń baa yádotih. <sup>11</sup>Shik'íyú, circumcise ádaanohwi'dolne' dishniigo nashaa lęk'eyúgo, doo shiniidaagoch'ínsj le'at'ée da. Ágádishniigo nashaa lęk'eyúgohíí, tsí'ılna'áhi doo baa yashti' le'at'ée da, áłk'ehgo Jews daanliiníí doo dayúweh shich'í' hadaashkee le'at'ée da. <sup>12</sup>Hadín nohwíł daagodikishíí nohwits'ą'zhí' nó'ńíł dadó. <sup>13</sup>Shik'íyú, dawa bił ch'í'ótąąhíí bich'í' nohwí'dokeed ni; áídá' doo áı bighą nchqo'go ánádaahiit'íłgo nohwá bił ch'í'ótąą daanohsj da, ndi łł daanohjóógo łł ch'odaahnii. <sup>14</sup>Bik'ehgo'ihí'nań yegos'aaníí dawa díńko yati' dała'áhi bee łalzaa; Nit'ahdí' gólíńíí nił nzhqo le', dání idíł njoqohí k'ehgo. <sup>15</sup>Áídá' dat'ógo ilch'í' daadołghashyúgo, ilch'í' nadaagonołkaadyúgo, idaa daagonohdzaą, dáńko ąął daalołghał ako. <sup>16</sup>Díí gánohwíłdishnii, Holy Spirit bee hohkaah le', áłk'ehgo nohwits'í nchqo'go hádaat'iiníí doo beda'ol'jı da. <sup>17</sup>Ko'at'e' nchq'íí Holy Spirit yich'í' nagonłkaad, łá'íí Holy Spirit ko'at'e' nchq'íí yich'í' nagonłkaad: díí doo ilch'í' łelt'ee da; áı bighą doo dahádaaht'íjyú ánádaaht'íł da. <sup>18</sup>Holy Spirit nadaanohwiyılaayúgo, Jews bich'í' begoz'aaníí doo bit'áahyú ádaanoht'ee da. <sup>19</sup>Ko'at'e' nchq'íí díńko bebigoziłh, nant'í' na'ídaahíí, iké' na'ídaahíí, nchq'go natsíts'ikeesíí, nchq'íí doo bich'í' t'ąązhí' ách'it'ée dahíí, <sup>20</sup>K'e'eshchín daach'okąąhíí, ígonłgaashíí, ik'ech'inniihíí, łach'idit'áhíí, dawahá idáhách'it'iiníí, ha'ishkeehíí, ilch'í' nagoch'inłkaadíí, ilts'ą'zhí' ádaach'it'eehíí, łá'íí da'anii ágot'eehíí yits'ą'zhí'go ilch'ídaago'aahíí, <sup>21</sup>Ła' bíyéehíí idáhách'it'iiníí, its'izilheehíí, koł nágodeyisíí, nchq'íí baa goch'iniliińíí, łá'íí díí ba'ashhah áldó' nchq'go ánádaat'íłhíí: da'ádá' baa nohwíł nadaagosisni' n'íí baa nohwíł nanádaagoshni', díí ye'ánádaat'íłhíí Bik'ehgo'ihí'nań bilakt'áhgee begoz'aaníí doo bíyéé daaleeh da. <sup>22</sup>Áídá' nest'a' ch'ıl yiká' nánt'łhíí k'ehgo díńko Holy Spirit bits'ą'dí'go begoz'áni at'ée, koł ijóóníí, koł gozhóóníí, koł nkegohen'ááníí, bągoch'oho'aahíí, dawa bich'í' ch'izhóóníí, ko'at'e' nłt'éeehíí, kegondliıdíí, <sup>23</sup>Kojíí yune' isht'egodnt'éeehíí, idaa goch'idzaaníí: ágádaat'eehíí begoz'aaníí bits'ą'dí' doo bándaa'got'aa da. <sup>24</sup>Christ

bíyée daanliiní b'at'e' nchó'ihíí bíl daanzhóogo yiká hádaat'íí n'íí tsí'ílna'áhi yídaayeskáhíí k'ehgo yó'odaizné. <sup>25</sup>Holy Spirit bee daahin'naayúgo, da'án bee hiikaah le'. <sup>26</sup>Doo itisyú ídaadéltíí da le', doo nchó'íí bich'í' daaíil'aa da le', doo la' bíyééhíí ídáhádaahiit'íigo nchó'go laa natsídaahiikees da le'.

**6** <sup>1</sup>Shik'íyú, nnee la' doo bik'ehyú adzaa dayúgo, nohwíí, Holy Spirit bee nasozinií, áń baa daach'ohba'go bich'í' yádaakti'go t'áazhí' nlt'éeego nkenánohołteeh; ni áldó' dńko áík'ehgo nanídi'notaahi at'éeéhíí baa natsíńkees. <sup>2</sup>Nyeego nohwich'í' nadaagowaagee łł ch'odaahnii le', áí bee Christ yegos'aaníí beda'ol'íí doleeł. <sup>3</sup>Nnee doo nt'ehi k'a'at'ée da ndi, doo sihgo ánsht'ee da, nziyúgo, ích'í' nach'áhi at'ée. <sup>4</sup>Áídá' nnee da'á' daantíígee ye'ánát'ííhíí hago'at'éeéhíí ídinel'íí le', áík'ehgo dabíí b'at'e' nzhóqyúgo, áí yaa bíl gozhóq doleeł, doo la'i nnee ye'ánát'ííhíí bighą da. <sup>5</sup>Nnee dabíí biyíl dahyoweel'íí k'ehgo nnee daantíígee b'at'e' doo nzhóq dayúgo dabíí nabíłt'og. <sup>6</sup>Hadín Bik'ehgo'ihí'nań biyati' baa bíl ch'ígót'aahíí, bíyééhíí nlt'éhíhíí dawa łahzhi' hadín bíl ch'ígót'aahíí yaa yihiniil le'. <sup>7</sup>Doo ích'í' nadaahch'aa da le'; Bik'ehgo'ihí'nań doo hagot'éeego bich'í' na'ich'áhi at'ée da: nnee nt'é k'edileehíí da'ái náyihigéshi at'ée. <sup>8</sup>Hadín b'at'e' nchó'íí yee k'edileeyúgo ídíl ch'ígódeehi at'ée; áídá' Holy Spirit yee k'edileeyúgo Holy Spirit bits'á'dí' yaaká'yú dahazhí' ihí'naahíí yinł't'áni at'ée. <sup>9</sup>Nzhóqogo ánádaahiit'ííhíí doo bik'e hįįkáh da le': dayúweh ágádaahiit'íiyúgo nlt'éeego da'inł't'aa. <sup>10</sup>Áík'ehgo nohwá ch'ígót'aadá' halaą nnee dawa bich'í' nlt'éeego ánádaahiit'íí le', ndi nnee Bik'ehgo'ihí'nań daayodłągo bichągháshé daanliiní itisgo ádaanłzı le'. <sup>11</sup>Díí nchaago k'eshchiiníí dashíí nohwich'í' k'eshiłchíni daah'íí. <sup>12</sup>Nnee dabíí zhą nlt'éeego daabineł'íigo hádaat'íiníí **circumcise** ádaanohwi'dolńéh daanohwiłńii; Christ bits'ílna'áhi yaa yádaakti'yúgo dńko biniidaagonł't'ée doleeł'íí bighą ádaanohwiłńii. <sup>13</sup>Dabíí circumcise ádaabi'deszaa ndi begoz'aaníí doo dawa yikísk'eh ádaat'ee da; áídá' nohwíí da'ádaanohwiłńiiigo circumcise ádaanohwi'deszaahíí yee ídaa da'odłíigo yádaakti'híí bighą circumcise ádaanohwi'dolńiiłgo hádaat'íí. <sup>14</sup>Doo nt'é bee ída'oshdlíigo yashti' da, Jesus Christ nohweBik'ehń tsí'ílna'áhi yiká' daztsąhíí zhą bee ída'oshdlíigo yashti'go Bik'ehgo'ihí'nań áshíłsı le', áí bee ni'gosdzń biká' ágot'eehíí daztsąhíí k'ehgo shich'í' at'ée, ł'íí shíí áldó' ni'gosdzń biká' ágot'eehíí dasiitsąhíí k'ehgo bich'í' ánsht'ee. <sup>15</sup>Christ Jesus bíl da'á' daanohłiyúgo, circumcise ádaanohwi'deszaayúgo, dagohíí doo circumcise ádaanohwi'deszaa dayúgo, doo íłł da, ndi áńíidégo ánádaanohwi'deszaahíí zhą íłł. <sup>16</sup>Díí ádishńiihíí yikísk'eh daahikáhíí Bik'ehgo'ihí'nań bits'á'dí' iłch'í'gont'éeéhíí ł'íí bíłgoch'oba'íí bee yich'í' goz'aą le', áí da'anii Israel hat'í'íí daanłigo Bik'ehgo'ihí'nań bichągháshé daanłii. <sup>17</sup>Kodí' godezt'igo díí bighą doo hadín nashinł't'óg da le': iłk'idá' Jesus nohweBik'ehń bighą shid shiká'zhí' hit'íí. <sup>18</sup>Shik'íyú, Jesus Christ nohweBik'ehń bíłgoch'oba'íí daanohwiyi' yune' begoz'aą le'. Doleełgo at'ée.